

# **AWIG - AWIG DESA ADAT PISANG KAJA**



**DESA TARO  
KECAMATAN TEGALLALANG  
KABUPATEN DAERAH TINGKAT II  
G I A N Y A R**

# P I D A G I N G

## MAKA BANTANG AWIG-AWIG DESA ADAT PISANG KAJA

### MURDDHA - CITTA

|                  |                                         | WIDANG |
|------------------|-----------------------------------------|--------|
| PRATHAMA SARGAH  | ARAN LAN WAWIDANGAN DESA                | 1      |
| DWITYA SARGAH    | PATITIS LAN PAMIKUKUH                   | 2      |
| TRITYA SARGAH    | SUKERTA TATA PAKRAMAN                   | 2      |
|                  | Palet 1 Indik Krama .....               | 2      |
|                  | Palet 2 Indik Prajuru / Dulun Desa..... | 5      |
|                  | Palet 3 Indik Kulkul .....              | 6      |
|                  | Palet 4 Indik Paruman .....             | 7      |
|                  | Palet 5 Indik Druwen Desa .....         | 9      |
|                  | Palet 6 Sukerta Pamitegep .....         | 10     |
|                  | Kaping 1 Karang, tegal lan carik ...    | 10     |
|                  | Kaping 2 Pepayonan .....                | 10     |
|                  | Kaping 3 Wewangunan .....               | 11     |
|                  | Kaping 4 Wewalungan .....               | 11     |
|                  | Kaping 5 Bhaya .....                    | 12     |
|                  | Kaping 6 Panyanggran Banjar .....       | 13     |
| CATHURTAS SARGAH | SUKERTA TATA AGAMA                      |        |
|                  | Palet 1 Indik Dewa Yadnya .....         | 13     |
|                  | Palet 2 Indik Rezi Yadnya .....         | 17     |
|                  | Palet 3 Indik Pitra Yadnya .....        | 17     |
|                  | Palet 4 Indik Manusa Yadnya .....       | 21     |
|                  | Palet 5 Indik Bhuta Yadnya .....        | 21     |
| PANCAMA SARGAH   | SUKERTA TATA PAWONGAN                   |        |
|                  | Palet 1 Indik Pawiwahan .....           | 22     |
|                  | Palet 2 Indik Nyapian .....             | 24     |
|                  | Palet 3 Indik Sentana .....             | 25     |
|                  | Palet 4 Indik Warisan .....             | 27     |
| SAT SARGAH       | WICARA LAN PAMIDANDA                    |        |
|                  | Palet 1 Indik Wicara .....              | 29     |
|                  | Palet 2 Indik Pamidanda .....           | 29     |
| SAPTAMA SARGAH   | NGUWAH-NGUWUHIN AWIG - AWIG             | 30     |
| ASTAMA SARGAH    | S A M A P T A                           | 31     |

- 1 -

## MURDHA CITTA

AUM. OM

Om Swastvastu. Om Awighnamastu Nama Siddham.

Malarapan panghyangning Ida Sang Hyang Widhi Wasa, asung kerta nugraha ngawentenang kahuripan sakala niskala, ring Bhuwana Agung lan Bhuwana Alit. Manut dresta desane wantah pawakan pasayuban Krama Desa rawuhing kula warga pawonganya. Desane kamanggehang Bhuwana Agung, pawonganya sowang-sowang pinaka Bhuwana Alit.

Sotanin Bhuwana Agung desane wantah pawakan Bhawa maurip, jangkep saha Tri Hita Karananya, luwire :

- ha. Parhyangan, sahananing kahyangan, panyiwian desa genah ngarcana Ida Hyang Parama wisesa, maka jiwa desane.
- na. Pawongan, krama saha warga desa maka sami pawakan Bayu Pramana (Tri Kaya) mawinan desane sida molah maprawerti.
- ca. Palemahan, tanah kakuwuban desa, sinanggeh stula sariraning desane.

Adung patemon bhuwana kalih, larapan santa jagadhita, sinanggeh murdhaning prayojana pangriptaning Awig-awig Desa Pakraman ring sabha krama desa adat Pisang Kaja.

Pamutus sabha inucap pinaka sepat siku-siku pamatut, wastu prasida prayojanan mami kabeh prasama anghidep muwah amagehaken kadi linging Awig-awig iki.

### PRATHAMA SARGAH.

#### ARAN LAN WAWIDANGAN DESA

##### Pawos 1

(1) Desa Adat Puniki mawasta Desa Adat Pisang Kaja.

(2) Jebar kakuwub wawidangannya mawates nyatur :

- ha. Sisih Wetan ring Desa Adat Apuh;
- na. Sisih Kulon ring Desa Adat Let;
- ca. Sisih Lor ring Desa Adat Dusun Abuan Kecamatan Kintamani;
- ra. Sisih Kidul ring Desa Adat Pisang Kelod;

(3) Desa puniki kawangun antuk karang ayahan Desa lan karang gunakaya wantah banjar asiki.

DWITYA SARGAH.....

DWITYA SARGAH  
PATITIS LAN PAMIKUKUH

Pawos 2

Desa Adat Pisang Kaja ngamanggehang pamikukuh minakadi :

- ha. P a n o a s i l a ;
- na. Undang-undang Dasar 1945 pamakas Pasal 18:
- ca. Perda Propinsi Daerah Tingkat I Bali No. 06 Tahun 1986:
- ra. Tri Hita Karana manut sada cara Agama Hindu.

Pawos 3

Luwir Patitis Desa Adat Pisang Kaja :

- ha. ngukuhang miwah ngrajegang Sang Hyang Agama;
- na. nginggilang tata Prawertine maagama;
- ca. ngrajegang kasukertan Desa saha Pawongannya sakala lawan niskala.

TRITYA SARGAH  
SUKERTA TATA PAKRAMAN

Palet 1

Indik Krama

Pawos 4

- (1) Sane kabawos Krama Desa inggih punika kulawarga sane maagama Hindu saha ngamong karang utawi jenek mapaumahan ring sawidangan desa.
- (2) Sajaba punika sinanggeh tamiyu, sane kabinayang dados kalih inggih punika sane maagama Hindu, miwah siwosan ring maagama Hindu.
- (3) Indik Tamiyu punika manut pararem.

Pawos 5

Krama Desa wenten 4 (petang) pawos, luwire :

- ha. krama ngarep, kula warga sane ngamong karang, utawi manut pararem;

na. krama.....

- na. krama pangempian/pangele kulawarga sane nenten ngamong karang nanging sampun mawiwaha;
- ca. krama balu. krama sane katinggal beda olih lanang utawi istri nyane. utawi sangkaning nyapihan krama balu inucap kabinayang dados :
1. Balu makrambian. inggih punika balu sane maduwe sentana dereng marabian utawi dereng antes ngavah.
  2. Balu ngalisting. inggih punika balu sane tanpa sentana.
- ra. krama-tapukan. kulawarga manut aksara ha utawi na ring ajeng sakewanten durung antes ngayah utawi salami kanton masekolah malarapan ilikita pastika saking sekolahan, prade sampun mayusa 18 warsa (ayah ngarep) patut tedun makrama utawi manut pararem.
- ka. Krama sane luput ayahan sekadi ring sor :
- 1) Balu putung miwah balu remban prade pianaknyane kanton alit-alit;
  - 2) Sakit ila, ayon, rumpuh, buduh;
  - 3) Ruyud, Buta miwah sane siyosan manut pangeloika Prajuru;
- da. Krama balu remban sane ngayah marep luh wiyadin muwani sane pianaknyane sampun daha taruna patut keni ayahan manut kabaluanyane.

Pawos 6

Ngawit dados Krama Desa :

- ha. Sangkaning ngamong karang, jenek mapaumahan utawi manut pararem;
- na. mawiwit pawiwahan.

Pawos 7

Panamaya tedun makrama Desa:

- ha. mawiwit pawiwahan asasih sasampun upacara polih atagan;
- na. Jenek mapaumahan asasih sasampun atagan raris tedun ngayah.

Pawos 8

Sahanan Krama Desa keni tategenan luwire :

- ha. ayah ngarep, mapiteges urunan miwah ayahan mamungkul;
- na. ayah pangempian/ayah banjar, mapiteges urunan sawungkul wantah mangge ring banjar, Pura Dalem, Prajapati lan melanting.
- ca. ayah balu, ayah miwah urunannya manut kahanan balu inucap;
- ra. ayah tapukan, keni urunan mamungkul. kaluputang ayah-ayahan, ngantos mayusa 17 warsa, utawi sampun mawiwaha. Yaning kanton masekolah, taler kaluputang ayah-ayahnya, malarapan ilikita pastika saking sekolahan.
- ka. prade rikalaning ngayah wenten sinalih tunggil Krama matilar tanpa sadok sadereng puput karya, wenang Krama inucap keni pamidanda manut pararem, tanjek laler kawastanin.

Pawos 9

Swadharman Krama. sewosan ring tategenan. luwire :

- ha. Tinut saturut ring sadaging Awig-awig. pararem lan paswaran Desa;
- na. Tan maren ngutsahayang mangda Desane mrasidhayang nyujur manut patitis;
- ca. Tinut saturut ring dharu Wicaca.

Pawos 10

Swadharman Tamiyu. luwire :

- ha. Tinut saturut ring yasa kertin Desane;
- na. Tan piwal ring sadaging Awig-awig. pararem lan paswaran Desa;
- ca. Nyadokang raga ring Prajuru arahina sasampun jumenek malarapan antuk ilikita pastika saking desane utawi sang ngawawenang;
- ra. Yan tan tinut pacang kairid (tan kadadosang jumenek ring Desa.

Pawos 11

Pilih-olihan Krama :

- ha. Pilih pasayuban sakala niskala tur kabawosin saha katiwakin pamutus sahanan wicaranya;
- na. Nyarengin paruman tur wenang sareng mastikayang pamutus;
- ca. Kadadosang madeg Prajuru. manut pararem.

Pawos 12

Krama Desa Adat kadadosang :

ha. mapangkid utawi tan tedun :

- 1) rikala mapawangun ngeraabin. mayadnya. nandur (mamilih) matepetin rare, sungkan kaluasan lan siosan punika;

- 2) kengin tempo wantah apisan, sajawanin wenten wak-wakan saking Prajuru Desa.

na. nyada. mapiteges yaning pianakipun marahi asiki wiyadin lintangan tedun ngayah, kagentos olih pianakipun sane pinih rihin mawiwaha.

ca. nyade. utawi nyuksukin. sane kawenangang risampun manggeh deha-teruna utawi mrasidayang nganutin krama;

ra. nutug ayah antuk arta brana saantukan kapiyalang utawi ngentos ayah-ayah antuk arta barana manut paitangan soang-soang tempek. manawi kajudi olih sang mawangrat. utawi magenah ring dura Desa.

Pawos 13

Wusan dados Krama Desa, luwire :

ha. Sangkaning :

- 1) Pinunas ngeraga, manawi kesah kadura Desa utawi ngalangkungin sagara;
- 2) Kanorayang , duaning sampun tan prasida ngesehin solah maprawerti satata nguwig pamargin Awig-awig.
- 3) Wusan makrama desa mapiteges taler wusan makrama banjar utawi wusan makrama banjar mapiteges wusan makrama desa, mangda sampunang kasinanggeh empak ngelanting.

na. Sang wusan makrama :

- 1) Patut ngaturang karang ayahan ka Desa, prade karang punika karang Desa;
- 2) Tan polih pah-pahan saking padruweyan Desa sajawaning pah-pahan padruwen ring tempek manut pararem.
- 3) Tan polih pasayuhab sajroning ala ayu.
- 4) Sang wusan makrama desa/Banjar prade mawali malih patut nawur saurah arih tategenan krama manut pararem.

ca. Sang wusan sangkaning kanorayang, prade mawali malih patut:

- 1) muntasan saluwir pamidanda utawi tategenan sane ngranayang kanorayang;
- 2) nunas geng pangampura ring paruman desa maduluran panyangaskara panyapsap kaluwangan duwaning nguwak pasubaya pecak.

Palet 2

Prajuru lan Dulun Desa (Penglingsir)

Pawos 14

- (1) Desa Adat Pisang Kaja kaenter olih Bendesa Adat.
- (2) Banjar utawi tempekan kaenter olih Klian Banjar/Tempek.
- (3) Bendesa lan Klian Banjar patut :

ha. mawiwit saking krama ngaren/wed kalangkabin antuk:

- 1) Uning ring aksara latin utawi Bali;
- 2) Uning ring tata titining mawa desa;
- 3) Uning ring pariindik Agama lan Adat;
- 4) Jascarya ngayah tur madruwe parilaksana sane rahayu.

na. kasadepang malarapan antuk kacatri olih parumannya soang-soang nyabran 5 (limang) warsa, sajawaning wenten pariindik tios, tur dados kacatri malih:

ca. maduluran Dewa saksi ring Pura Bale Agung.

Pawos 15

- (1) Bendesa Adat kasanggra olih :
  - ha. Patajuh utawi Pangliman pinaka wakilnya;
  - na. Panvarikan pinaka juru surat;
  - ca. Patengen utawi juru raksa pinaka pangamong druwen Desa;
  - ra. Kasinoman pinaka juru arsh
- (2) Kasinoman akehnya manut kawigunan saha magilir nyabran ngasrah.
- (3) Sajeroning ngenterang kasukertan niskala. Bendesa mingsinggihang Pamangku Kahyangan Desa utawi sang Rumaga Sulinggih.

Pawos 16

- (1) Swadharmaning Bendesa Adat luwire :
  - ha. ngenterang pamargin sadaping Awig-awig miwah pararem Desa;
  - na. nuntun tur ngenterang krama rawuhing warga Desa sami ngupadi manut patitis;
  - ca. mawosin kalih niwakang pamutus arep ring wicara warga Desa;
  - ra. maka dutta Desa matemuang bawos ring sapa sira ugi.
- (2) Prade Prajuru iwang palaksana keni pamidanda nikel ring kaiwangan soang-soang krama. tur dados kararyanang manut pararem.

Pawos 17

Patias utawi olih-olihan Prajuru/Dulun Desa. luwire :

- ha. luput rerampen lan papeson;
- na. polih tanding tengah;
- ca. upon pacatu/palaba carik/tegai;
- ra. patias sewosan manut pararem.

Pawos 18

- (1) Prajuru / Dulun Desa kagentosin riantukan :
  - ha. s e d a:
  - na. kanorayang dwaning iwang pamargi utawi nilar sesana;
  - ca. wit saking pakayun utawi pinunas ngaraga.
- (2) Nganorayang utawi ngentosin Prajuru/Dulu-dulu patut sajeroning paruman tur kajngkupin olih Krama Desa.

Palet 3

Indik Kulkul

Pawos 19

- (1) Kulkul ring Desa luwire :
  - ha. Kulkul ring Kahyangan;
  - na. Kulkul Desa;
  - ca. Kulkul Banjar/Tempekan;
  - ra. Kulkul Sekaa-sekaa.

(2) Tabuh tatepakan kulkul ring Kahyangan Desa :

- ha. nungtit/silih asih, tengeran wenten Yadnya/Upacara:
- na. tulud lambat, tengeran tedun ngayah:
- ca. bulus, tengeran wenten bhaya.

(3) Tabuh tatepakan kulkul ring soang-soang bebanjaran :

ha. Bulus :

- 1) 1 tulud bulus, tengeran kageni bhaya:
- 2) 2 (kalih) tulud bulus, tengeran kapandungan (artha bhaya):
- 3) 3 (tigang) tulud bulus, tengeran jiwa bhaya:
- 4) tigang klentungan bulus panjang, tengeran lindu, er, lan pawana bhaya.

na. Lambat :

- 1) 2 (duang) tulud lambat (tabuh telu), tengeran tedun ngayah utawi wenten pakarvan.
- 2) nungtit silih asih tengeran, surya grha, bulan kapangan:
- 3) 1 (atulud) lambat, tengeran wenten krama ngarorod.

ca. Klentungan :

- 1) 2 (kalih) klentungan, tengeran rare embas:
- 2) 7 (pitung) klentungan, tengeran pawiwahan:
- 3) 5 (limang) klentungan ngempang panjang, tengeran ngawangdeang karya:
- 4) Dabdab tabuh telu, tengeran ngayah/madelokan:
- 5) 3 (tigang) klentungan banban, tengeran wenten rare seda/padem.

Pawos 20

(1) Kulkul Desa utawi Banjar tan wenang katapak vening tan sangkaning pituduh Prajuru Desa / Banjar sajawaning tengeran bhaya.

(2) Sang nepak tan sangkaning pituduh patut digelis atur eupakas maka buatan panepake, yan tan sapunika wenang sang mamurug kadanda manut pararem.

(3) Kulkul sekaa-sekaa samaliha kulkul pondokan-pondokan tan kalugra nyawerin (matehin) sukat utawi tengeran kulkul Desa / Banjar sajawanin tengeran bhaya, prade mamurug taler kadanda manut pararem.

Palet 4  
Indik Paruman

Pawos 21

(1) Paruman/ sangkepan ring Desa Adat Pisang Kaja, wenten :

ha. paruman Desa/Banjar, kawentenang :

- 1) nyabran ngasasih, maka cihna tanpa arah-arah, dwaning sampun tetep panamaya manut pararem desa/pasamuan desa Adat soang-soang, nemonin rahina Budha Kliwon, saniscara Kliwon.

2) nepaka

2) napkala ( padgata kala ) maka jalaran arah-arrah manut tatujon.

na. sangkepan Prajuru/ dulun desa. kawentenang manut wiguna:

ca. paruman sekaa-sekaa manut pabuat.

(2) Paruman Desa utawi Banjar madudonan sakadi ring sor :

ha. prasida lumaksana risampun katedunin olih sang patut ngamiletin. kamanggala antuk tengeran kulkul miwah mabusana Adat madya, saha tan kalugra makta gegawan sakaluwire, tan maren ngarcana ring Ida Bhagawan Panyarikan maka sarana Widhi Widana cane;

na. maka sarana janggi, pangawit kalaksanayang panyacak sep-sepan saha riwusannya nyacak, ngetang dadosan gung alit manut pararem;

ca. tan kalugra ngawetuang suwara gora utawi byota, yang wenten asapunika keni pamidanda beya pacamil kadi dandaning nguman-uman ring sabha;

ra. pamutus babawos beruk sapanggul (ingkup) punika kamanggehang.

(3) Prade pidaging paruman tan kaingkipun mangda Prajuru/Dulun Desa ngilikang babawos, saha pamutusna mangda kararemin olih Krama Desa, bilih tan prasida kasungkemin jantos ping tiga Prajuru/Dulu wenang nunas bawos ring Sang Ngawa Wenang.

#### Pawos 22

(1) Sajeroning paruman Desa (tunggil Budha Kliwon), Rendesa patut nyobyahang pamargin ngenterang Desa, pamakas nganinin indik:

ha. muntuk lungsuring pakraman saha ayah-ayah, sulur arta berana, druwen Desa;

na. Rarincikan Prajuru / Dulu nganinin usaha Desa kapungkur.

(2) Pamutus paruman Desa sinanggeh pararem maka pamitegep daging Awig-awig.

#### Pawos 23

(1) Sangkepan Prajuru/Dulun Desa kawenangang wantah ngarincikang pangerencana usaha Desa kapungkur.

(2) Sangkepan Prajuru /Dulun Desa tan kawenang ngawedalang tategenan ring Krama sadereng kaingkipun olih Krama Desa ring paruman.

(3) Pamutus sangkepan prajuru/Dulun Desa ngawetuang pasuwara, maka pidaging pituduh sang Ngawawenang utawi ngonekang pecak pararem krama desa.

Palet 5

Indik Druwen Desa

Pawos 24

Padruwen Desa Adat Pisang Kaja sakadi ring sor :

ha. Kahyangan Desa luwire :

- 1) Kahyangan Tiga : Pura Desa lan Bale Agung, Pura Puseh, Pura Dalem lan Praja Pati.
- 2) Pura Melanting.
- 3) Pura Pangaron.
- 4) Pura Dugul.
- 5) Pura Taman Rejj.

na. Wantilan Desa:

ca. Tanah tegalan (manut ilikita):

ra. Karang ayahan Desa;

ka. Setra-setra palebahan, makadi setra bekinasan, setra pangarep:

da. Palaba Pura, carik/tegal (manut ilikita)

ta. Ielanguan, makadi tatabuhan lan ilen-ilen padruwen Desa/  
bahanjaran luwire :

- 1) Gong Padruweyan Krama Desa Adat:

- 2) Ilen-ilen wali Pura : Rajang, Pendet, Baris druwean  
desa/banjar;

- 3) Muwah padruwean tiyosan.

sa. Rejj pasiraman.

wa. Nyasa, sasanthi.

la. Lembaga Perkreditan Desa (LPD).

Pawos 25

Piolih-olihan Desa Adat Pisang Kaja luwire :

ha. piolih-olihan saking palaba Pura:

na. urunan Krama Desa Adat:

ca. paica saking Guru Wisesa:

ra. Paica-paica sane tiyosan, sane patut:

ka. usaha Desa Adat.

Pawos 26

(1) Prajuru / Dulun Desa wenang ngetangang pamupon laba Pura lan  
sapanunggalan druwen Desa.

(2) Pikelih lan pamuponnya kaanggen prabeya piodalan saha  
wewangunan ring Pura miwah anggen kabuatan Desa Adat.

(3) Nyabran pasangkepan Desa, Prajuru /Dulu pangamong druwe desa  
nguningayang pariindik munjuk lungsuring padruwean ring Krama  
Desa.

(4) Sakaluwiring druwen Desa patut wenten ilikitannya.

(5) Tan kalugra ngadol utawi ngesahang padruweyan Desa yan tan  
kasungkemin olih Krama Desa ring paruman.

Palet 6

Sukerta Pamitegen

Kaping 1

Karang. Tegal lan Carik

Pawos 27

- (1) Krama Desa pangamong Karang Desa utawi karang gunakaya patut ngawatesin karang inucap antuk tembok utawi pageran mangda pakantenannya asri.
- (2) Wates sisi kaler miwah kangin patut kakaryanin olih sang ngamong karang ayahan inucap. sane mawasta gegaleng kaluan, sajawaning tanah pacatu, tegal, carik utawi tanah padruweyan ngaraga, sane kapijara watese sisi klod miwah kauh utawi manut drestha reh punika mawasta gegaleng kateben.
- (3) Prade karasayang pageran/turus inucap ngalikadin, yen pada arsa panyandinge, kengin watese nganggen pinget kewanten, kasaksinin olih Prajuru/Dulun Desa utawi praciha dal saking Sang Ngawawenang.
- (4) prade wenten karang kabebeng /embet mangda kautsahayang wenten pamarginnya,manut paigum lan pararem.
- (5) Tan kengin :  
ha. ngentungan lulu, wangken wewalungan kapakarangan/tegal anak lian kalih kamargiang;  
na. ngembahang toya wit saking badan wewalungan, kakus, pasiraman, pawaregan, miwah sane sewosan sane ngewetuang ambu kawon;  
ca. prade wenten sakadi ring ajeng keni pamidanda manut pararem.

Pawos 28

- (1) Sinalih tunggil Krama Desa/Bandar tan kalupra :  
ha. Ngalah-alah margi, tegal ayahan Desa, karang Desa, lan sadanunggalanya;  
na. ngalah-alah tanah linggih kahyangan, tegak setra, lan sakancan linggih sinanggah suci.
- (2) Prade wenten sakadi ring ajeng ,sang ngalahah wenang ngawaliang tanah inucap saha keni pamidanda manut pararem kadulurin upakara prade ngalahlah tanah suci.

Kaping 2

P e p a y o n a n

Pawos 29

- (1) Ngawit nandur pepayonan tanem tuwuh patut adepa agung ( 1 1/2 meter) ngaleroang saking wates,prade jantos ngaliwat wates wenang kasepat gantungin.

- (2) Yening wenten tatanduran ngungkulin samaliha mawastu mayanin kapisaga patut kawara antuk paiguman ping ajeng mangda prasida sang nruwenang wit ngarebah utawi notor.
- (3) Prade sampun kawara taler tan wenten usaha sang nruwenang wit sang rumasa katetehan/kajerihan wenang masadok ring prajuru/Dulu tur risampun kaparitatan kalugra mademang wit inucap sakewanten patin pepayonan patut katawur manut pangeloika sane nepasin.
- (4) Sang keni pamidanda panyangaskara saha prabeya manut pararem arep ring wewangunan sang karubuhin, luwire:
  - ba. Sang nruwenang wit ainggeh mayanin, prade pungkut ngarubuhin wewangunan krama tiyos;
  - na. Sang notor, munggul utawi ngarebah laru tur ngarubuhin krama tiyos.
- (5) Prade wenten wit mentik sajroning wates patut kapademang, mangda tan ngranayang wicara. Prade sampun ageng kapademang, wit punika pinara tiga :
  - ba. Apah tiga katur ring sang nruwenang wit.
  - na. Apah tiga katur ring sang penyanggah.
  - ca. Apah tiga katur ring Desa Adat.
- (6) Krama Desa patut ngamanggahang kawerdian tanem tuwuh sane ngawinang Desane asri.

#### Kaping 3

#### Wewangunan

#### Pawos 30

- (1) Nyabran ngawangun patut :
  - ba. masadok ring Prajuru / Dulu ping ajeng prade wewangunan nganinin wates;
  - na. nganggé sukat asta bumi miwah gagulak asta kosala - kosali, sanistane manut ring patitis niskala;
  - ca. tan nyayubin kapisaga.
  - ra. tan dados ngembahang toya wit saking jempeng/W.C, miwah belengbeng/bada ka pisaga.
- (2) Prade wewangunan jantos nyayubin bilih-bilih temboke ring telengin wates, risampun kawara tur kasadokang ring Prajuru/Dulu, wenang kadanda manut pararem saha tembok inucap kagubar utawi sanistane mangda kakarvanang abangan.

#### Kaping 4

#### Wewangunan

#### Pawos 31

- (1) Warga Desa sane mambara wewangunan patut sayaga nitenin negul/ngalogor mangda tan ngarusak karang utawi pahlanan Krama Pawos, bilih-bilih jantos ngaraning ngaletehin Kahyangan.

#### (2) Prade

- (2) Prade wenten wewalungan malumbar utawi ngeleb ngarusak pakarangan/pabianan Krama sewos, risampun kawara dados kataban tur kadanda ngawaliang wit sane karusak saha nawur panebas papiaran tatabanan, manut pangeloiken Prajuru/Dulun Desa.
- (3) Prade jantos ngaletihin linggih suci, minakadi Pamrajan, risampun kaparitas olih Prajuru/Dulu wenang sang nruwenang kadanda mabuhu agung ( caru eka sata, maduluran tebasan prayascita durmanggala ), prade ngaletihin Kahyangan Desa utawi Pura Pamaksan, wenang nyaronin antuk Panca sata makerep itik belang kalung.
- (4) Krama desa patut nyangara wewalungan miwah sarwa prani, tan kapatutang ngamademang paksi, nuba ulam, miwah sane sewosan. Prade wenten malaksana sakadi Lunika keni pamidanda manut pararem tur kaaturang ring sang Ngawawenang.

#### Kaping 5

#### B h a y a

#### Pawos 32

- (1) Parindik bhaya, luwire : jiwa bhaya, artha bhaya (kapandangan), dure cara ring Agama.
- (2) Sang manggihin kahanan jiwa bhaya, patut nepak kulkul bulus mapitulung manut pawos 19 (3) aksara ha.
- (3) Prade ring Desa kahanan jiwa bhaya, patut Desane ngaturang Bhuta Yadnya, tur sang mayanin kaaturang ring Sang Ngawawenang.
- (4) Prade wenten jatma mamisuh utawi ngumen-uman jatma tiyos, kakenanin pamidanda beya pacamil maduluran tebasan prayascitta.
- (5) Yaning wenten jatma majengilan ring bale Banjar, ring Pura, utawi ring genah sane kasinanggeh suci, keni pamidanda manut pararem, maduluran panyangaskara prade sang majengilan kantos ngamedalang rah.

#### Pawos 33

- (1) Sang manggihin kahanan artha bhaya (kamalingan), patut ngulkul mapitulung manut ring pawos 19 (3) aksara ha utawi sang kamalingan atur supeksa ring Prajuru / Dulun Desa sane pacang nimbangin utawi nandanin manut pararem, saha maweweh panyangaskara prade wenten jatma ngamaling barang sinanggeh suci.
- (2) Pratingkabe mapillon ring dusta kabawos saruron, prade wenten jatma manggihin maling tan nyadokang ring Prajuru/ Dulu jantos jatma tiyos nyaduung, patut kadanda kadi dandaning maling, sakweh pangangan wit manut cacakan Banjar, tur prade jantos ping tiga malaksana asapunika wenang kasukserah ring sang Ngawawenang.

- (3) Prade wenten jatma ngarereh reramon. minakadi daun kelapa. ron miwah sane sewosan tanpa sadok ring sang nruwenang wit, prade kacunduk (katara) patut kadanda kadi dandaning maling.
- (4) Yening wenten jatma ngaranjing kapakubon wiadin pakarangan jatma tiyos rikala suwung, mawastu sang madruwe karang kaicalan. wenang jatma inucap katuwekang antuk madewa saksi ring Pura Bale Agung.
- (5) Mangda tan katuwekang manut sakadi ring ajeng, asing-asing ngaranjing kapakubon jatma tiyos patut :
  - ha. matengeran suwara (makaukan):
  - na. nyantos sang nruwenang karang rawuh utawi masadok ring pangapit pinih tampek, maka buatan pangaranjinge;
  - ca. pamedal karangnya kadagingin sawen, maka cihna pangarah rikala suwung.
- (6) Indik dadudukan :
  - ha. Sahanan warga desa/banjar, prade polih nuduk barang-barang sakaluwire, patut atur uninga ring kelihan Banjar.
  - na. Kelihan Banjar nyiramang barang dudukan punika, mangda kauningan olih sang kaicalan.
  - ca. Prade jantos 3 (tigang) sasih tan wenten jatma ngelingan wenang kadruwenayang olih sang nuduk.
  - ra. Prade barang inucap kaangkenin olih sareng kalih utawi langkung tur sami purun nahapang sumpah, barang punika kapanggihayang antuk jinah olih I Klian/Prajuru sane ngangkenin.

#### Kaping 6

#### Panyanggran Banjar

#### Pawos 34

Krama Desa rikala ngawentenang karva suka-duka, patut kasanggare olih Banjar, luwire :

- ha. Prade ngawangun Pitra Yadnya utawi Manusa Yadnya, manut pinunas sang mayadnya;
- na. Pangarombo utawi karya gotong-royong krama jantos ping tiga, langkungan ring punika patut katuran pangingu;
- ca. Pangingu rikala Pitra Yadnya manut abot dangan Yadnya, prade saking semengan ngantos wengi katuran pangingu ping kalih.
- ra. Pangarombo tiyosan manut pararem.

CATHURTAS SARGAH  
SUKERTA TATA AGAMA

Palet 1

Indik Dewa Yadnya

Pawos 35

- (1) Kahyangan Penyiwian ring sawidangan Desa Adat Pisang Kaja luwire:
  - ha. Kahyangan Tiga, Pura Desa/Bale Agung, Puseh miwah pura Dalem lan Prajapati;
  - na. Pura Pangangon;
  - ca. Pura Melanting;
  - ra. Pura Dugul;
  - ka. Pura Taman Beji;
- (2) Rahina Plodalan ring soang-soang kahyangan inucap, kadi ring sor:
  - ha. Ring Kahyangan tiga, luwire:
    - 1). Pura Bale Agung, rikala Purnama Sasih Ka Dasa;
    - 2). Pura Desa/Puseh, rikala Ruda Kliwon Wara Matal;
    - 3). Pura Dalem, rikala Anggara Kliwon Wara Prangbakat;
  - na. Pura Prajapati rikala Anggara Kliwon Wara Prangbakat;
  - ca. Pura Melanting rikala Budha Wage Wara Klau;
  - ra. Pura Pangangon rikala Saniscara Kliwon Wara Uye;
  - ka. Pura Taman Beji rikala Budha Wage Wara Klau;
  - da. Pura Dugul rikala Purnama Sasih Ka Dasa.
- (3) Pangaci ring Pura inucap manut kecap sastra Agama, saha kalaksanayang nista, madia, utama manut kawentenan lan pararem
- (4) Pangempon soang-soang Pura manut dresta kadi ring sor:
  - ha. Pura Puseh/Desa, Kaempon olih Krama Desa Adat;
  - na. Pura Bale Agung Krama Desa Adat;
  - ca. Pura Dalem lan Prajapati, kaempon olih Banjar.
  - ka. Pura-Pura siwosan, minakadi:
    - 1) Pura Dugul, keempon olih Desa Adat;
    - 2) Pura Pangangon, keempon olih Desa Adat;
    - 3) Pura Taman Beji, keempon olih Desa Adat;
    - 4) Pura Melanting, keempon olih Banjar;

Pawos 36

- (1) Ring soang-soang Pura inucap patut kaadegang Pamangku;
- (2) Ngadegang Pamangku manut dudonan :

ha. nyanjan.....

ha. Nyanjan utawi masemurang, soang-soang mapiteges mapinunas ring ajeng Pura wiadin kadura Desa manawi ring balian konteng, lan sapanunggilannya:

na. Turunan utawi waris;

ca. Kacatri olih krama Desa.

(3) Tan kawenang adegang Pamangku luwire :

ha. Cendangga makadi peceng, perot, cungh lan sapanunggilanipun;

na. Sang sapa-sira ugi sane tan kapatutang manut pararem;

ca. Sakit ila. ayan, buduh wiadin edan;

ra. Sane tan madrebe kasucian urip.

(4) Prabia kapamangkuan :

ha. Adiksa Widhi ( ngawintenin ) lanang istri kamedalin saha kalaksanayang olih sang ngadegang, makadi krama Desa utawi pangempon Pura soang-soang;

na. Mapitra Yadnya riwekas lanang miwah istri patut kasungkemin olih Krama Desa utawi pangemong, sanistane Brahmaprayasaita, panyanggane manut pararem prade Yadnya inucap kalaksanayang oleh wargan sira pamangku.

ca. Sinalih tunggil krama yan wenten ngipik-ipik sapani polah pamangku. nanging pamangku tan sapanika pari polahnya kadi sane kapiik-ipik, wenang jadma inucap kasisipang nyuciang pamangku, manut pararem.

(5) Pamangku patut ngamanggehang sasananing Pamangku luwire :

ha. Ambek Dharma sadhu;

na. Asewaka Dharma, makadang sastra utama;

ca. Tan parek ring naya duatha;

ra. Tan atayub ring tarub camara yudha;

ka. Tan manjing ring umah wong banija karma;

da. Tan manjing ring umah wong drati krama;

ta. Tan wenang ajajuden;

sa. Tan anginum asing angawe mada;

wa. Tan pati pikul-pikulan;

la. Tan salah suluh;

ma. Tan wenang anayub upadrawaning cor. yan mawiyawahara teka wenang adewa saksi;

ga. Tan griganing wong akweh;

ba. Tan keneng cuntakaning wong len, sajawanin kulawarganya tunggil natah, utawi pasiwanja manut dresta.

(6) Prade mamurug, wenang Pamangku nyepuhin raga kasakeinin olih Prajuru Desa.

(7) Yan pacang ngawalat rabi wenang ngaturang rumuhun pawintenanya, ring pura genahnya madeg pamangku nguni, tembenya wawu wenang ngawalet rabi, riwis upacaraanya wenang ngawana wasa salaminva atahun, wus dunika wawu mawinten lakibi kadi pawintenanya nguni.

Pawos 37

Swadharman Pamangku luwire :

- ha. Ngenterang upacara piodalan ring Kahyangan utawi ring soang-soang pakubon krama;
- na. Prade salah sinunggil Pamangku kapialang utawi cuntaka. kengin nguntap Pamangku kahyangan desa tiosan utawi nuwur sang sulinggih;
- ca. Samaliha yan sampun Pamangku ngayah ring Pura kancit wenten kulawargannya seda. Pamangku inucap tan keneng cuntaka sakewanten Pamangku tan budal salam piodalan.
- ra. Prade wenten sinalih tunggil krama Desa utawi anak lian ring soang-soang kahyangan marupa :
  - 1) Puntung rayunan patut masadok ring sinalih tunggil Prajuru Desa Adat;
  - 2) laluwea. Upakara. mule-mule miwah sane sivosan. patut masadok ring Prajuru Desa Adat. tur kailikitayang. ngalantur dados druwen Desa Adat.

Pawos 38

Patias utawi olih-olihan Pamangku luwire :

- ha. Panyolaasan miwah sarin canang ring soang-soang pakubon krama Desa;
- na. Upon palaba carik miwah tegal manut pararem;
- ca. Iuput pakaryan, rerampen/reramon. lan padagingan keni sakadi patut;
- ra. Patias sewosan manut pararem.

Pawos 39

(1) Pamangku kagentosin riantukan :

ha. S e d a :

- na. Pinunas ngaraga, sangkanin kageringan lan sapanunggalannya;
- ca. Kauwusang olih krama sangkanin malaksana sane tan patut.

(2) Prade Pamangku kauwusang sangkaning malaksana tan patut keni pamidanda manut pararem saha ngawaliang prabiya pawintenannya pecak.

Pawos 40

Kaeukertan Kahyangan kadi ring sor :

ha. Tan kalugra ngaranjing kapura luwire :

- 1) Sang katiben cuntaka makadi sebel ring raga utawi kapademan;
- 2) Makta sahanan barang sinaggeh ngaletihin;
- 3) Sato agung, sajawaning rikala mapapada;
- 4) Mabuesana sane tan patut kadi tatacaraning ngaranjing kapura;
- 5) Sadereng polih wak-wakan (pituduh) Prajuru /Dulun Desa.

na. Pratingkahe.....

aa. Pratingkahe tan wenang ring Pura :

- 1) Masumpah ( cor ) sajawaning pituduh Prajuru/Dulun Desa;
- 2) Wak parusya/wak capala, makobetan, masasenengan, makolem dados asiki lanang wadon mabacin, mawarih, macecepin rare, majaljal/majengilan nyangsang busana, menahin pusungan (santukan punika rikala majajahitan patut ngelung bueung macingor lidinya);
- 3) Mungga tedun palinggih sajawaning pituduh Prajuru/Dulu.

ca. Sang mamurug kecap ring ajeng keni pamidanda pamrayascitta sapatutnya.

Pawos 41

- 1) Yan wenten jadma karawuhan ring Pura, dados kapintonin prade rumasa kasumangsayan, yan tan wiakti, jatma inucap kasieipang manut pararem.
- 2) Prade Kahyangan kahanan durmanggala, minakadi keni bhaya Pamangku/Sang manggihin, patut digelis nyadokang ring Prajuru/Dulu mangda marumang krama Desa tur ngawentenang pamrayascitta sapatutnya.

Palet 2

Indik Resi Yadnya

Pawos 42

- 1) Sang pacang madeg Pandita utawi Pinandita minakadi Balian Sonteng, Kubayan, Dalang, sakaluwiring sane jagi ngenterang Yadnya patut masadok ring Prajuru Desa utawi Parisada Hindu Dharma Indonesia.
- 2) Prajuru Desa patut ngawas nitenin tur wenang ngalengin prade wenten kacihnian nyasarring kakecap miwah drestane, tur sareng nyaksinin upacaranya saha nyobyahang ring paruman Desa tegap rawuhing wates kawenangannya ngenterang yadnya.
- 3) Krama Desa patut ngaturang ayah sapamadeg miwah ring pangelepas Sang Sulinggih riwekas katuntun olih Prajuru/Dulu Desa.

Pawos 43

- 1) Sang Sulinggih lan pamangku patut ngariyining muputang ring wawidangan Desa Adat Pisang Kaja, sasampun punika wawu muputang yadnya kajebar tios Desa utawi kadura Desa.
- 2) krama desa sami patut sareng ngawas nitenin katuntun olih Prajuru/Dulu-dulu, mangda sahanan yadnya sane kawentenang kaicen pamuput olih Padanda utawi Pinandita manut kawenanganya soang-soang.

Palet 3

Indik Pitra Yadnya

Pawos 44

Pamargin Pitra Yadnya madudonan manut sakadi ring sor :

ha. Pangupakaran Sang kalayu sekaran :

- 1) antuk mendem utawi ngeseng, makacihna pakinsan ring ibu Pratiwi utawi ring geni, salami nuptupang prabeya;
- 2) Atiwa-tiwa (upakara pangabenan / palebon).

na. Upacara upakara Pitra Yadnya riwusan kaabenan ngraris munggah daun bingin (ngaroras) manut dudonan Atma Wedana.

Pawos 45

Swadharmaning lan tategenan prade wenten sinalih tunggil Krama kalayu sekaraan :

ha. Sang kaduhkitan patut :

- 1) nyadokang ring Klijan tur nunas tatimbangan ring kawentenanya;
- 2) ngaturin Banjar ngarombo makarya eteh-ete sawa saha ngater kasetra, tur katuran panyambrama canang sasida-sidaan.

na. Swadharmaning Banjar :

- 1) Klijan Banjar maritatas pamargin sang kaduhkitan, napike pacang kapendem, makingan riyin utawi lantur kaabenang;
- 2) Prade kapendem, raris kaswarayang kulkul pamitahu manut pawos 19 (3) aksara na olih Klijan Banjar utawi wakilnya.
- 3) Panyanggran Banjar salanturnyane :
  - ha) soang-soang Krama Banjar nedunang patas beras, adeng kelapa, miwah manut pararem.
  - na) ngarombo ngaryanin eteh-ete sawa, kasarengin olih Krama sane rawuh ngarombo.
  - ca) sami Krama banjar nganter kasetra jantos puput pamendemane.

ca. Tan kengin ngalelet sajawanin pangagang, tur patut polih pagebagan manut paetengan Klijan patas / Banjar, saha embakan desa.

ra. Tan kalugra nginepang bangbang miwah mendem rikala:

semut sadulur,  
kala gotongan,  
Pasah,  
Kliwon, kajeng Kliwon,  
Soma, Umanis, Taulu,  
Was panganten,  
Ingkel wong,  
Prawani, Purnama, Tilem,  
Rerahinan jagat.

ka. Prade.....

- ka. Prade wenten kalayu sekaran rikala piodalan, kengin mendem tanpa sadok, tan nyuwarayang kentongan/kukul tur mamargi wengi/sasiliban utawi ka setra siosan ( setra pakingsan ).
- da. Pamargin pamendeman utawi palebonan mangda nganutin sastra agama lan dresta.
- ta. Prade rikala dewasa mapegat/ngurugin wenten anak padem, dados pendem tur urugin nanging mapegat mangda sinarengan.
- sa. Salah pati, ulah pati, sawane dados kaupacarain kadi patut, saha maweweh banten panebasan ring genahnyane padem/seda.
- wa. Paweweh :
  - 1) Yaning wenten saking tiyosan Desa mapendem/mageseng ring Setra Desa Adat Pisang Kaja, patut keni pananjung batu agung alitnya manut pararem;
  - 2) Yan wenten makutangan/ngaben sinarengan patut sane tampekan ring setra mamargi riyinan, asapunika taler rikala pangiriman (ketukade);
  - 3) Ngentasang sawa kapatutang ring pamedal pakarangan sanedados pamargi sang madruwe karang, yadiyastun madruwe paletasan tiyos;
  - 4) Ngentasang sawa ring carik utawi utawi tegal anak lian :
    - ha. patut satinut ring pituduh Prajuru Desa Adat Pisang kaja lan Subak;
    - na. mrayascita tanah sane kaentasin sawa.
  - 5) Tan kalugra mendem sawa anak mobot (patut kamedalang riyin bobotanya).
  - 6) Tan kalugra ngalamegang (makirim sawa).

Pawos 46

- (1) Sane kasinanggeh kacuntaka sakadi ring sor :
  - ha. cuntaka antuk kalayu sekaran;
  - na. cuntaka antuk ngraja swala;
  - ca. cuntaka antuk ngembasang putra;
  - ra. cuntaka antuk karuron;
  - ka. cuntaka antuk sakit ila, buduh;
  - da. cuntaka antuk pawiwahan;
  - ta. cuntaka antuk gamia gamana;
  - sa. cuntaka antuk salah timpal;
  - wa. cuntaka antuk yening wenten anak istri mobot nenten kaupakarayang pabiukawonan miwah pawidiwidana;
  - la. cuntaka antuk mamitra ngalang;
  - ma. cuntaka antuk yaning wenten anak istri ngamedalang putra sadurunge maupakara pabiukaonan miwah pawidiwidana;
  - ga. cuntaka antuk sad Tatayi.
- (2) Sengker cuntaka manut kawentenannya:
  - ha. cuntaka kalayu sekaran, cuntakanya kaanutang ring loka dresta Desa Adat soang-soang;
  - na. cuntaka ngraja swala, 3 rahina ngawit saking ngeraja swala utawi salaming ngraja swala;

ca. cuntaka.....

- ca. cuntaka ngembas putra, 42 rahina (abulan pitung rahina) ngawit saking putrane embas, utawi ngantos sampun kaupakarayang makakambuhan lan maperayascita manut sastra Agama, lanang wiadin istri;
- ra. cuntaka karuron, cuntakanya asasih pitung rahina (42 rahina) tur sampun matirta pamerayascita;
- ka. cuntaka sakit ila, buduh/edan, cuntakanya manut ilikita pastika saking Sang Ngawawenang/sang nambanin miwah sampun mrayascita raga;
- da. cuntaka pawiwahan, cuntakanya ngantos sasampune matirta pabiukaonan tur sasampun mapajati;
- ta. cuntaka gamia gamana, cuntakanya ngantos sesampune kapalasang/kasapihang tur sampun kawentenang pamrayascita raga miwah pamrayascita Desa Adat/Kahyangan;
- sa. cuntaka salah timpal kapuputang manut ring sastra Agama Hindu;
- wa. cuntaka anak istri mobot nenten kawentenang upakara pabiukaonan, cuntakanya ngantos kawentenang upakara pabiukaonan;
- la. cuntaka mamitra ngalang, cuntakanya ngantos kawentenang upakara pabiukaonan;
- ma. ngembasang putra nenten kawentenang upakara pabiukaonan miwah pawidiwidana, cuntakanya ngantos wenten sane mameras sang putra, lan sampun kawentenang upakara manut ring sastra Agama Hindu;
- ga. cuntaka Sad Tatayi, cuntakanya ngantos sampun maprayascita raga tur nenten pisan dados ngamunggahang upacara padwijatian.

(3) Cuntaka kalayu sekaraan/kapademan :

- ha. Kapendem cuntakanya :
  - 1) cuntaka/sebel kabanjar ngantos 3 rahina riwusnya mendem/manut drestha utawi sasampun polih pamrayascita.
  - 2) kulawargania sajeroning pakarangan ngantos 25 rahina/manut dresta.
  - 3) pangapit karang 4 (petang) rahina.
- na. Kaabenang cuntakanya :

Sang nyambut karya Pitra Yadnya cuntakanya ngawit saking nyambut padewasan karya, wusan mapegat kalanturang malih tigang rahina.
- ca. sasebelan banjar rikala pangabenan :
  - 1) Saking rahina ngeplugang;
  - 2) Saking rahina nyambut dewasa (ngoreng);
  - 3) Yan ngalanus, pramangkin ical cuntakanya;
  - 4) Yan tan ngalanus sebel banjar 3 rahina saking pangulangan.

(4) Sane katiben cuntaka luwire :

- ha. Kalayu sekaran sane kacuntaka :
  - 1) sang sane kalayu sekaran;
  - 2) kulawarganya;
  - 3) babanjaran;

na. ngraja.....

- na. Ngraja swala sane kacuntaka :  
- Sang sane ngrajaswala.
- ca. Ngembas putra sane kacuntaka :  
- Kawulawargania sane ngembasang putra lanang wiadin istri.
- ra. Pawiwahan sane kacuntaka :  
- Sang sane ngalaksanayang pawiwahan lanang wiadin istri.
- ka. Sakit ila/buduh, sane kacuntaka raganya dawak.
- da. Karuron sane kacuntaka:  
- Kawula warganya lanang wiadin istri.
- ta. Gamia gamana sane kacuntaka :  
1) Sang sane ngalaksanayang gamia gamana;  
2) Desa Adat nyane.
- sa. Salah timpal sane kacuntaka :  
1) sang sane malaksana salah timpal;  
2) kulawarganya;  
3) Desa Adat/kahyangan.
- wa. Anak istri mobot nenten kawentenang upacara pabiukaonan sane kacuntaka :  
- Sane maraga istri (sane mobot)
- la. Mamitra ngalang sane kacuntaka :  
- Sane ngalaksanayang mamitra ngalang.
- ma. Ngembas putra nenten kawentenang upakara pabiukaonan miwah upakara pawidi-widana sane kacuntaka :  
1) Sang sane ngembasang putra;  
2) Putra sane mbas.
- ga. Sad Tatayi, sane kacuntaka :  
- Sang malaksana Sad Tatayi.

(5) Tan keneng cuntaka, luwire :

- 1) Sang sulinggih lan Pamangku Kahyangan tiga;
- 2) Rikala piodalan risampun ngalang sasih/ngalang tengah.

Pawos 47

(1) Attiwa-tiwa (pangabenan) kalaksanayang antuk :

- ha. Sawa prateka, pangabenan mawatang sawa;
- na. Sawa resi, pangabenan mawatang antuk sawa kresyan;
- ca. Suwasta, pangabenan mawatang sawa sane tan kakeniang, kagentos antuk lalang utawi toya.

(2) Panamayan pangabenan wenten kalih pawos :

- ha. Ngaben dadakan/bah bangun manut pararem;
- na. Ngaben ngamasa, manut pararem.

(3) Dudonan pangabenan ngawit saking ngagah (seda), ngeseng ngantos pangiriman utawi nganyut.

Pawos 48

(1) Papatusan pangabenan wenten kalih pawos :

- ha. Ngaben ngamasa luwire : beras, ayam, kelapa, gesing, papah jaka, kelangsah miwah sane sewosan manut pararem.
- na. Ngaben dadakan, pateh sakadi patus seda kependem.

(2) Pangingu.....

- (2) Pangingune ring Krama banjar ngawit ngayah manut abot dangan kawentenana karya.

palet 4

Indik Manusa Yadnya

Pawos 49

- (1) Manusa Yadnya inggih punika upacara-upakara dharmaning kahuripan manusa, ngawit sakeng patemoning kama bang kalawan kama petak sajeroning garbha ngantos kalayu sekaran riwekas.
- (2) Upacara ring ajeng madudonan sakadi ring sor :
- ha. magedong-gedongan duk pangerempinian ibiang;
  - na. duk sang karmareka medal;
  - ca. kepus odel;
  - ra. roras rahina;
  - ka. tutug kambuhan (42 rahina);
  - da. nigang sasihin ( 3 sasih );
  - ta. pawetuan/otonan/odalan (6 sasih);
  - sa. tutug kelih (ngraja swala wadone, ngembakin lanange)
  - wa. matatah/mapandes;
  - la. mawiwaha;
  - ma. mawinten.
- (3) Upacara-upakara inucap nista, madia, utama manut sastra Agama Hindu lan dresta.

Palet 5

Indik Bhuta Yadnya

Pawos 50

- (1) Bhuta Yadnya inggih punika upacara-upakara byakala ring Pratiwi lan Kahyangang, sarwa prani saha upacara-upakara ring babuthan miwah ring piranti sewosan.
- (2) Upacara pabyakala ring sarwa prani, sarwa tumuwuh muwang piranti luwire :
- ha. Ring sarwa lelandep rikala Saniscara Kliwon wara Landep;
  - na. Ring sarwa tumuwuh lan piranti rikala Saniscara Kliwon wara Wariga;
  - ca. Ring sarwa eyandana/wahana rikala Saniscara Kliwon wara Kuningan;
  - ra. Ring sarwa lelanguan rikala Saniscara Kliwon wara Krulut;
  - ka. Ring sarwa ingon-ingon/ wewalungan rikala Saniscara Kliwon wara Uye;
  - da. Ring sarwa ringgit, ukir-ukiran rikala Saniscara Kliwon wara Wayang;
  - ta. Upacara pakala-kalan manusa manut widana, kabawos pabyakala.
- (3) Upacara pabyakala ring Pratiwi, Kahyangan lan Babuthan kawastaning macaru.

(4) Pacaruan.....

(2) Pamargin pawiwahan luwire :

- ha. Papadikan, kamanggala antuk pakrunayan;
- na. Ngarorod, marangkat riyin wawu kakrunayang;
- ca. Nyeburin utawi sentana nyeburin (risampun nganutin upakara pamerasan);

(3) Pidadab sang pacang mawiwaha patut :

- ha. sampun manggeh daha - taruna (prasida nganutin Undang-undang);
- na. sangkaning pada lila (tan kapaksa);
- ca. manut kecap sastra Agama ( tan gamia gamana );
- ra. kasudiwadani prade pangambile tiis Agama, utawi kapatiwangi.

(4) Pamargin pawiwahan mangda taler nganutin Undang-undang Perkawinan sakeng Sang Ngawawenang.

Pawos 53

(1) Pawiwahan sane kapatutang ring Desa, sakadi ring sor :

- ha. sampun kamargiang pabyakala utawi pasakapan, kasakeiang sakala niskala olih Pandita utawi Pinandita;
- na. wenten pasaksi Prajuru/Dulu-dulu sane mapakelingang utawi ngilikitayang pawiwahan;
- ca. sampun matengeran suwaran kulkul;
- ra. pawiwahan inucap ring ajeng sampun kacatetang ring sang Ngawawenang.

(2) Parabian sane tan manut kadi kecap ring ajeng sinanggeh tan patut.

Pawos 54

Tata caraning parabian patut sakadi sor :

- na. Sapa eira ugi-pacang ngawarangang pakulawarganya patut masadok ring Prajuru/Dulu-dulu, salanturnya Prajuru/dulu maritatas manut tan manut pamargin parabine;
- na. pamargin papadikan manut dudonan :

1) Pakrunayan jantos ping tiga, saha soeng-soeng malarapan:

- ha) kapratama antuk canang /sedah;
- na) kaping kalih antuk canang pangrawos;
- ca) kaping tiga antuk daksina pajati kabawos pamuput pamadikan.

2) risampun puput raris sang istri kaajak budal ring pakubon sang-lanang, saha kalanturang antuk pabyakala.

3) mangda puput tumus sakala niskala, raris kulawarga purusa makta pajati ring Pamrajan wadone.

na. Prade ngarorod/marangkat patut :

- 1) reraman lanange ngawentenang pamilaku/pangenduh antuk duta sakirangnya 2 (kalih) diri;
- 2) pagenahan antene tan kengin ring pakubon sang lanang sadereng mabeyakala.

sa. Sajeroning pakrunayan/pangalukuan patut :

- 1) kamanggala antuk geng pangampura arep ring reraman wadone;
- 2) kaigumang bawos idih pakidih utawi palegayan arep ring pasewakan sang ngidih saha dewasa pakrabkambeyane riwekas;
- 3) kacihnayang indik kapurusa utawi prade sentana rajeg kajejerang kapatut ngidih anak lanang sane kabawos pawiwahan nyeburin, tur risampun sulur pamerasan kategepin kamanggehang sentana nyeburin;
- 4) prade tan terima pajati, pakrunayan kamargiang jantos ping tiga.

na. pakerab-kambeyan mapiteges upacara tinas apadang (puput) mapakuren, dwaning manut sakadi ring sor :

- 1) Sajeroning kabawos ambe, kalaksanayang ring sakala niskala masarana jejauman miwah pawidi widana :
  - ha) jejauman pinaka ngambe/ngadungang kayun soang-soang pakulawangan wadone;
  - na) widi widana pinaka pajati niskala nunas wadone ring Pamrajanya.
- 2) Sajeroning bawos kerab pamargi ring sakala :
  - ha) antuk panyaksi Krama Banjar, dwaning kaparabiang matengeran swaran kulkul;
  - na) pamekas pasaksi Prajuru / Dulu-dulu sane ngilikitayang.

#### Palet 2

#### Indik Nyapian

#### Pawos 55

- (1) Pawiwahan prasida kawusang malarapan antuk palas parabian utawi kapademan.
- (2) Wusan mapakuren riantukan salah sinunggal seda mapiteges balu, makadi balu lanang/istri.
- (3) Palas parabian inggih punika sangkaning pada lila utawi mawiwit wicara.
- (4) Sang ayat palas marabian patut atur supeksa pailikitan riyin ring sang Rumawos wastu tinas apadang pamutuse kabawos nyapian wawu Prajuru nyobyahang kawentenannya ring Desa saha keni panebas swaran kulkul manut pararem.

#### Pawos 56

Tata cara palas parabian sakadi ring sor:

- na. nawur prabeya pasaksi sinalih tunggil sami matenga;
- na. pagunakayan polih pahan pada;
- sa. pabekel, tadtadan soang-soang kakuasa niri-niri miwah warisan kakuasa olih purusa;
- sa. ngaweruhin miwah ngupajiwain pratisentana manut swadharmaning guru rupaka;
- sa. nawur pamidanda panebaasan swaran kulkul manut pararem;
- da. ngelung jinah logika Prajuru/Dulu;
- ta. mapamit ring pamrajan lanange.

Pawos 57

Prade riwekas sang palas kacihnna adung malih, patut :

- na. ngalaksanayang pawiwahan malih;
- na. kadends nikel saking palase.
- ca. prade wenten paturunan patut buntas katawur.

Pawos 58

(1) Sang balu kabinayang dados :

- ha. balu luh wit sentana (sentana rajeg) miwah balu luh boya sentana;
- na. balu muani kapurusa (wit sentana) miwah balu muani nyeburin (boya sentana).

(2) Swadharmaning balu inucap patut :

- ha. ngamanggehang patibrata tan kengin ngamargiang paradara/darati krama;
- na. nguasayang waris pagunakaya, tan dados ngadol, ngadeang, makidihang lan siosan punika, sajawaning kabebasan olh pianak utawi kulawarga pinih tampek sakeng kurenannya prade pianak kantung alit-alit;
- ca. kengin ngidih sentana prade wenten pidabdab sadurung sinalih tungguil padem, sana kabebasan olh kulawarga sakeng kapurusa;
- ra. kawenangang mawiwaha malih, prade wenten kebebasan manut angka/aksara ring ajeng.

Pawos 59

Balu kaucap tan pageh sakadi ring sor :

- ha. dratikrama utawi paradara;
- na. maatilar saking pakubon tan pasadok jantos 6 (enem) sasih;
- ca. lempas ring swadharma sewos-sewosan, tan prasida ngesehin solah maprawerti arep ring pituduh sane patut sakeng kulawarga purusa.

Palet 3

Indik Sentana

Pawos 60

- (1) Sentana wenten kalih pawos, sane kaucap pratisentana miwah sentana paperasan.
- (2) Pratisentana inggih punika sentana sane metu saking pawiwahan kapatut.
- (3) Prade pawiwahan tan kapatut ngawetuang sentana, mangda tan kantung kawastanin babinjat utawi aetra patut kamanggala antuk panyangaskara.

(4) Prade .....

- (4) Prade pawiwahan tan ngawetuang sentana kengin ngidih sentana antuk upasaksi sakala niskala sane kawastanin sentana paperasan.
- (5) Sentana rajeg inggih punika, pratisentana wadon (pradana) sane kamanggehang lanang (purusa) tur risampun ngalaksanayang pawiwahan kaceburin.
- (6) Sang sane dados kaarsayang sentana rajeg inucap wiwit angka (5), inggih punika :

- ha. Pratisentana wadon tunggal;
- na. Sampun kamanggehang dados pratisentana lanang (purusa);
- ca. Kapawiwahan yan kaceburin kautamayang antuk jadma sane maagama hindu utawi jadma sane maagama siyosan sane sampun ngalaksanayang pamarisuda raga utawi sudiwadani;
- ra. Sane ngamanggehang sentana rajeg patut mapasadok ring Prajuru Banjar, tur I Klian Banjar patut nyobyahang ring Banjar saha ngaturang ring Prajuru Desa Adat.

Pawos 61

- (1) Ngangkat sentana manut dudonan patut makacihna arta berana pamerasan sane kasaksiang sakala-niskala;
- (2) Sapa sira ugi krama pacang ngidih sentana patut masadok ring Bendesa sanistane 3 (tigang) sasih sadereng pamerasan. Bendesa ngalanturang pakarsa punika ring sang ngawa wenang;
- (3) Bendesa kawakilin olih Klian-klian Banjar nyobyahang ring sawidangan Desa, sang sapa sira ugi rumasa tan lila mangda nyadokang masengker kalih uku (14 rahina) sabanen pamerasan ring Bendesa Adat;
- (4) Prajuru /Dulu Desa digelis mawosin saha ngicenin pamutus nepek ring catur dresta miwah pararem;
- (5) Prade sulur paperasan tan manut kadi kecap ring ajeng, Prajuru/Dulun Desa wenang ngandeg sang pacang mameras saha ngicenin pamutus mangda kapuputang riyin babawos, sulur utawi wicaranya.

Pawos 62

- (1) Paperasan sane kapatut ring Desa risampun makacihna :
  - ha. Widi-widana paperasan;
  - na. Kasaksinin olih prajuru Desa sane makelingang utawi ngilikitayang.
  - ca. Kasobyahang ring wawidangan Desane.
- (2) Sane kapatut peras angge sentana kadi ring sor:
  - ha. Jatma maagama Hindu.
  - na. papernahan nedunang saking sang meras ;

- ca. Kulawarga saking purusa, prade tan wenten kengin saking wadon, yening taler tan wenten wawu kangin sakama-kama (saking kayun);
- ra. Kautamayang saking waris pancer kapurusa;
- ka. Sinalih tunggal mawit saking kulawarga tunggal sanggah utawi merajan, paibon lan dadia utawi ngambilin anak tiis sakewanten sang maagama Hindu.

- (3) Kengin ngangkat sentana langkungan ring adiri, lanang wadin wadon, prade ngangkat sentana lanang wadon, nenten dadon kapawiwahang.

#### Palet 4

Indik Warisan

#### Pawos 63

- (1) Warisan inggih punika tatamian arta berana saha ayah-ayah ngupadi kasukertan sakala lan niskala saking kaluhurannya arep ring turunannya.
- (2) Kang sinanggeh warisan luwire:
  - ha. Duwe tengah, makadi tegal, ayahan Desa, Kahyangan, pusaka siwa pakarana lan sapanunggalanya;
  - na. Pamerajan;
  - ca. Pagunakayan, tadtadan / jiwa dana, hutang piutang.
- (3) Wawu kengin kabawos warisan prade wenten :
  - ha. Sang mapiturun ( pawaris ) ;
  - na. Katurunan ( ahli waris ) ;
  - ca. Arta berana miwah tategenan makacihna warisan.

#### Pawos 64

- (1) Ahli waris luwire :
  - ha. Pratisentana purusa ;
  - na. Pratisentana pradana (sentana rajeg);
  - ca. Sentana paperasan lanang/wadon.
- (2) Prade tan wenten sakadi ring ajeng, kang sinanggeh ahli waris :
  - ha. Turunan purusa pernah ngunggahang, rerama lanang, pekak salantur ipun rerama misan, mindon;
  - na. Turunan purusa pernah kasamping makadi kaponakan misan, mindon.

#### Pawos 65

Adharmaning ahli waris patut :

- ha. Nerima saha nguwasayang tatamian pahan saking kaluhurannya, makadi ngarempon sanggah, Pura saha pangupakaranya miwah nyaladihinin ayah-ayahan pawaris;
- na. ngabenang pawaris saha ngalanturang upacara-upakara pitra.
- ca. Nawurin hutang - hutang pawaris sane manut pangeloika.

Pawos 66

Pangepahan waris manut sakadi ring sor :

- ha. Risampun kalaksanayang Pitra Yadnya lan hutang-hutang pawaris buntas katawur;
- na. Para ahli waris polih pahan pada sangkaning pagunakayan, sajabaning karang / tegal, ayahan Desa kaamong olih ahli waris kang sinanggeh Krama ngarep;
- ca. Sinalih tunggil ahli waris kengin tan polih pahan prade:
  - 1) Nilar kawitan lan sesananing Agama;
  - 2) Alpaka guru rupaka;
  - 3) Sentana rajeg kesah mawiwaha utawi pratisentana nyeburin, soang-soang kabawos ninggal kadaton.
- ra. Boya ahli waris kengin muponin hasil manut dudonan luwire :
  - 1) Sentana luh salami dereng kesah mawiwaha utawi tan alpaka guru, miwah prade madrebe pianak tan kaangkenin olih wong tua rare inucap, kengin ngawaris wantah pikoli pagunakaya sentana luh inucap kemawon;
  - 2) Balu luh wiadin muani nyeburin (soang-soang boya sentana);
  - 3) Mulih daha utawi taruna, riantukan ring pawiwahane pecak sampun kabawos ninggal kadaton.
- ka. Pawaris kengin maweweh rikala maurip pinaka jiwa dana, tadtadan/ bekel, makacihna paweweh tetep ring pianak sane kesah mawiwaha.

Pawos 67

- (1) Prade sajeronin pakulawargan wenten ahli waris langkungan ring adiri patut :
  - ha. kawentenang paigum indik pedum waris inucap;
  - na. yen tan prasida katunasang tatimbang ring Prajuru (kerta Desa);
  - ca. prade taler tan wenten cumpu ring panepas Kerta Desa, kengin katumusang ring sang Rumawos.
- (2) Prade karang inucap kaputungan, patut Prajuru/Dulu-dulu nibakang ring :
  - ha. sang sinanggeh ahli waris manut pawos 64;
  - na. sang kengin anggen sentana manut pawos 62 angka (2) miwah angka (3);
  - ca. prade taler tan wenten cumpu ring panepas Kerta Desa, kengin katumusang ring sang Rumawos.
- (3) Prade jantos karang Desa kaepah utawi kasepih, patut soang-soang nedunin makrama Desa marep.

SAT SARGAH

WICARA LAN PAMIDANDA

Palet 1

Indik Wicara

Pawos 68

- (1) Sane wenang mawosin makadi mutusang wicara ring Desa inggih punika Prajuru / Dulu Desa sinanggeh Kerta Desa.
- (2) Tata dudonan mawosin saha muputang wicara warga desa kadi ring sor. :
  - ha. Kaping ajeng kabawosin olih Kelihan Banjar.
  - na. Tan cumpu ring panepas Kelihan Banjar, karerehang pamutus ring paruman banjar.
  - ca. Prade tan cumpu ring pamutus Banjar, katumusang ring Bendesa Adat lan Kerta Desa.
  - ra. Taler tan wenten cumpu ring pamutus Bendesa lan Kerta Desa katunasang ring Paruman Desa Adat.
- (3) Prade sang mawicara tan wenten cumpu ring pamutus paruman desa lan Kerta Desa, kengin nunasang wicara inucap ring sang Rumawos.

Pawos 69

- (1) Sahanan wicara mawiwit kacorahan saka luwire sinanggeh nungkasin daging Awig-awig, pararem miwah paswaran Desa/Banjar, Prajuru / Dulu patut digelis mawosin tan nyantos pasadok.
- (2) Sajaba wicara kadi ring ajeng patut nyantosang pasadok sang nunas bawos.
- (3) Panepase patut pastika nyantenang iwang patut malarapan Tri Pramana ( saksi, ilikita, bukti ) miwah tan maren nepek ring Catur Dresta.

Palet 2

Indik Pamidanda

Pawos 70

- (1) Desa/Banjar wenang niwakang pamidanda ring warga Desa/Banjar sane sisip.
- (2) Paniwak inucap kalaksanayang olih Bendesa/Klian Banjar.
- (3) Bacakan pamidanda luwire :
  - ha. ayahan panukun kasisipan;
  - na. danda arta;
  - ca. kanorayang;
  - ra. panyangaskara.

- (4) Pamidanda sane katiwakang patut masor singgih manut ring kasaisipane.
- (5) Jinah utawi raja brana pamidanda ngaranjing dados druwen Desa/Banjar.

Pawos 71

- (1) Krama sane langkungan ring tigang paruman ngalantur tan nawur urunan miwah dadandan wenang karampag.
- (2) Rarampagan ngangge tata cara kadi ring sor :
  - ha. Kalaksanayang olih Prajuru kasarengin olih Krama saakeha tigang diri maka saksi;
  - na. Sang ngarampag sangkanin darsana ngambil barang utawi nyawenin tanem tuwuh, akehnya manut ring utang sang karampag, sang karampag mangda lila nyukserahang barangnya sane dados wala;
  - ca. Prajuru/Dulu miteketang mangda barang-barang sane karampag digelis katebus, masenger awuku (7 rahina) ring kutus rahinane pacang kaadol;
  - ra. Tan nganinin saluwir barang sane patut inggilang manut Agama miwah tan mademang pangupa jiwa sang karampag.

Pawos 72

- (1) Prade sang pacang karampag ngawara (ngalangin) palaksanaan inucap mawastu sampun tan nganutin Awig-awig Desa wenang karang Desa sane kagenahin kadaut olih Desane.
- (2) Samaliha yen purun taler ngalangin palaksanaan kadi ring ajeng tan wenten pamargi sajawaning kasepekang olih Krama Desane.
- (3) Pamidanda inucap ring ajeng keni buntas risampun sang kakeninin :
  - ha. nunas geng pangampura ring Krama Desa riantukan nguak pasubaya (pararem) pecak;
  - na. nawur pangangan panguak pasubayane duk pacang karampag kadulurin pamrayascitta panyapsap kaiwangane ring Desa.

SAPTAMA SARGAH

NGUWAH - NGUWUHIN AWIG - AWIG

Pawos 73

- (1) nguwah-nguwuhin Awig-awig Desa puniki kalaksanayang ring paruman Desa.
- (2) Awig-awig puniki kamargiang ngawit kaingkupin (kararemin).

Pawos 74

- (1) Sakaluwirin sane wenten saderengnya patut kaanutang ring sadaging Awig-awig puniki.
- (2) Sakaluwiring sane durung kabawos sajeroning Awig-awig puniki patut kalaksanayang manut tata cara sane sampun mamargi kadulurin antuk pararem-pararem.

ASTAMA SARGAH

SAMAPTA

Pawos 75

- (1) Awig-awig puniki kararemin duk rahina Wraspati Pon Wara Krulut pananggal/pang 9 sasih Ka I (sa) ieaka 1921 tanggal Masehi 22 Juli 1999 ring wantilan Desa Adat Pisang Kaja.
- (2) Awig-awig puniki kalingga tanganin olih Bendesa lan Prajuru Adat, kasarengin Klian Banjar, saha kasaksinin olih Prajuru Dinas pinaka saksi.
- (3) Luwir sang ngalingga Tanganin :


ha. Kaprathama Prajuru Adat :

1. Bendesa Adat Pisang Kaja




I Wayan Rincin

2. Panyarikan



I Wayan Recu

3. Klian Banjar Pisang Kaja




I Wayan Suba

Klian Banjar.....

na. Kaping kalih Prajuru Dinas pinaka saksi :


1. Kepala Dusun Pisang Kaja

  
I Wayan Suba

2. Kepala Desa Taro

  
I Made Jaya

3. Camat Tegallalang

  
Drs. I Dewa Putu Pariwesa.

\*\* Murdaning Pamikukuh.